
Saopćenje za javnost

Sarajevo, 15. 03. 2018. godine

U POVODU UVOĐENJA NOVOG NAČINA PRIKUPLJANJA PODATAKA O BROJU ZAPOSLENIH U FEDERACIJI BiH

Federalni zavod za statistiku u 2018. godini prestaje sa publikovanjem podataka o broju zaposlenih osoba u Federaciji BiH, koji su prikupljeni putem Mjesečnog izvještaja o zaposlenima i plaći (Rad-1) i počinje sa obradom i objavljivanjem podataka o broju zaposlenih osoba iz administrativnog izvora.

Podatke o broju zaposlenih osoba iz administrativnog izvora, baze Jedinstvenog sistema registracije, kontrole i naplate doprinosa Federalni zavod za statistiku preuzima od Porezne uprave Federacije BiH u mjesečnoj periodici.

U dosadašnjem načinu prikupljanja podataka o broju zaposlenih osoba putem Mjesečnog izvještaja o zaposlenima i plaći (Rad-1) obuhvaćeni su poslovni subjekti-pravne osobe koje zapošljavaju 10 i više zaposlenih. Broj zaposlenih u poslovnim subjektima-pravnim osobama koje zapošljavaju manje od 10 zaposlenih se procjenjivao. Broj zaposlenih u obrtu i srodnim djelatnostima se preuzimao od Porezne uprave Federacije BiH.

Važno je napomenuti da je promjena izvora za prikupljanje podataka rezultirala punim obuhvatom podataka i time povećanjem broja zaposlenih osoba na teritoriji Federacije BiH. **Ova promjena je uticala na prekid dosadašnje serije podataka statistike zaposlenih.** Podaci o broju zaposlenih iz baze Jedinstvenog sistema registracije, kontrole i naplate doprinosa nisu uporedivi sa prethodno objavljivanim mjesečnim i godišnjim podacima o broju zaposlenih, zbog različitog obuhvata.

Podaci o broju zaposlenih osoba preuzeti iz baze Jedinstvenog sistema registracije, kontrole i naplate doprinosa se statistički obrađuju korištenjem Statističkog poslovnog registra, koji je obavezan standard za provođenje i obradu statističkih istraživanja poslovnih subjekata. Zbog toga se statistički obrađeni podaci o broju zaposlenih osoba u manjem obimu razlikuju od izvornih podataka koji su preuzeti iz administrativnog izvora.

Krajnji cilj poduzetih aktivnosti je potpuni prelazak na administrativne izvore podataka o plaćama i broju zaposlenih. Na ovaj način će se povećati kvalitet podataka statistike tržišta rada (puni obuhvat), smanjiti opterećenost izvještajnih jedinica popunjavanjem statističkih obrazaca, a takođe će se smanjiti troškovi prikupljanja i obrade podataka.

Odsjek za odnose javnošću i biblioteka

Federalni zavod za statistiku

Ul. Zelenih Beretki broj 26.

+387 (33) 407 018

+387 (33) 226 151

fedstat@fzs.ba

www.fzs.ba